



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Richardi Arsdekin Soc. Jesu Sac. Theol. Professoris.
Apparatus Doctrinae Sacrae**

Archdekin, Richard

Dilingae, 1687

Index Capitum Summa sequentis.

urn:nbn:de:hbz:466:1-38464

rito laudando: neque de facili quemquam corripiat, ob ignorantiam, nisi ortam ex supina negligentia.

V. Secundo quadrante quæstiones proponat p̄ alud difficultiores, easque fere deflumptas ex ea lectione que Dominicā proximè precedenti publicè recitata, & explicata fuit.

Tum jubebit ex modestioribus, doctorem aliquem clarâ voce pronunciare Exemplum, quod præcedenti Dominica Catechista atulit ad Lectionis explanationem.

VI. Tertio quadrante, jubebit binos vel plures ex adverso stantes in medio Catechismi, & si fieri possit, loco etiam eminentiori, clare pronunciare de memoria lectio nem ea die explicandam.

Mox Catechista lectionem jam recitatam clare & breviter explicabit sermone faciliter, & ad parvi sui auditorii captum accommodato, idem saepiuscule aliis, atque alius verbis repetens, exhibitis brevibus subinde interrogatoribus, & responsionibus ut majorem sibi conciliet attentionem.

VII. Quarto quadrante, unum aut alterum producat exemplum selectum, quod tragicè quidem, & cum emphasi, sed vulgari sermone & phrasí pueris accommodato narrabit. Postea præmonebit, se proximâ vice viñrum quis narratum Exemplum optimè retinebat.

VIII. Post hanc iterum formabit crucem, jubebit legi salutationem Angelicam, vel Symbolum Apostolorum, &c. per vices; ut hoc modo omnes, qui adveniunt, ea addilcant. Concludet ipse omnibus iterum præzendo informanda cruce, ut dictum supra. Postea pueros sine tumultu binos vel ternos ex ordine dimittat.

Advertat autem ne Catechismus spatiū horæ exceedat, cum fructus temporis diuturnitate s̄epius vel tollatur, vel minatur.

IX. Singulis quos interrogavit præmiolum aliquod vel notam elargitur statim, vel his deficientibus eorum nomen in librum referat ut postea præmio afficiantur: & adjungat ad bona responsa subinde encomium aliquod: mirum enim quantum etiam pueri laude animentur.

Oblata opportunitate s̄epius incluet obligationem quam habent Parentes ut mittant problem ad Catechismum, ut Domini mittant servos & ancillas, Ludimagiſtri scholares, Magistratus sibi subiectos, præsertim pupilos & orphanos; ac s̄epius usu venire, ut quando hac in parte officio suo desunt, & ipsi graviter peccant, & illos quorum curam gerunt, peccatis & erroribus exponant.

Obligatio Curatorum.

UT autem ipsi Curatores animarum intelligent quanta ipsis obligatio incumbat ad plebem sibi commissam Doctrinā Sacrā instituendam, audiant ea de re Decretum Concilii Tridentini Sess. 5. cap. 2. Archibresbyteri, Plebani, & quicunque Parochiales vel quis alias curam animarum habentes Ecclesiæ quocunque modo obtinent, per se vel alios idoneos, si legitime impediti fuerint, diebus saltēt Dominicis & Festis solenni-

bis plebes sibi commissas pro sua & earum capacitate p̄fiant salutaribus verbis; docendo qua omnibus serenitate & facilitate sermonis *Vita qua declinare, & Virtutes quas sectari oportet, ut panam aeternam evadere, & caelestem gloriam consequi valeant.* Id vero si quis eorum præstare neglegat, etiam si ab Episcopi jurisdictione quavis ratione exemptum se esse pretenderet; etiam si Ecclesia quovis modo exempta dicerentur, ut alii Monasterio, etiam extra Diocesum existent, iofan annexa, vel unitæ, modò re ipsa in Diocesi sit; provida pastoralis Episcoporum sollicitudo non debet ne illud impleatur, *Jerem. Thb. 4. Parvuli petierunt panem, & non erat qui frangeret eis.* Atque Episcopis ibidem demandatur, ut qui post admonitionem trium mensum spatium muneri suo defuerint, ad illud exequendum, si necesse sit, per Censuras Ecclesiasticas, aut alias ad Episcopiaribitrum cogantur. Idemque de explicanda Doctrina Christiana singulis Dominicis & Festis Solennibus sub gravi obligatione iterum denunciatur in Trident, de Reformat. Sess. 24. cap. 4. his verbis.

Iudem etiam saltēt Dominicis & alias festis diebus pueros in singulis parochiis (Vide Conf. Pii V. Ex debito, 1571. quam ampliavit Gregorius XIII. 30. Octob. 1572) sider rudimenta, & obedientiam erga Deum & parentes diligenter ab iis, ad quos spectabat, doceri curabunt, & si opus sit, etiam per Censuras Ecclesiasticas compellent: non obstantibus privilegiis & consuetudinibus. In religiis, ea, qua de prædicatione munere Sess. 5. cap. 2. de Refor. sub eodem Paulo III. decretta fuerunt, sumum robur ostineant.

Quod si ad hoc munus exsplendum Curatores animarum severissimis Conciliorum Decretis ubique adstringantur, quād māgis ea obligatione urguntur illi qui in partibus Hæreticorum Pastoris officio funguntur. Facile enim inferent Hæretici teneris puerorum mendios errorum suorum scindina, nisi providā veri Pastoris curā & institutione præveniantur. Insufficientia latitudinis incautos plebis inculcta animos false doctrinæ veneno mortiferō, nisi, contra illud virus, Doctrinæ Christianæ antidoto muniantur. Cumque pedererit hæc pestifera lues occulē irreperitur, ignarus tenella satanas animos infecit, & cum adolescentibus error & ignorantia sensim adoleverit, tum denum deprehenditur per longam incuriam morbus incurabilis, & cui fructu sanioris Doctrinæ medicina admovetur. Ne igitur Curatores animarum hanc gregis sui ruinam ferō lugeant, & negligi officii rationem in districto Dei judicio reddere cogantur, ad hoc curam ac cogitationem suam serio adiificant, ut à teneris annis commissum sibi populum in Doctrinæ Christianæ mysteriis, ac Dei timore confundenter erudiant: quo fieri ut animas pretiosas Christi sanguine redemptas ab interitu conservent, & amplam libi in cælo laboris sui mercedem acquirant.

INDEX CAPITUM

Summæ sequentis.

Caput Primum. *De Fide, Ecclesia, & Symbolo Apostolorum.*

Caput Secundum. *De Spe, Oratione Dominica, &c.*

Caput Tertium. *De Charitate, Præceptis Decalogi, & Ecclesia.*

Caput Quartum. *De Sacramentis singulis.*

Caput Quintum. *De Officiis Iustitia Christiana, Peccatis, Virtutibus, &c. 4. Novissimi. Cum Exempli Constantiæ illustribus inter perpetuas pro Fide Romana Persecutiones, &c.*

SUMMA